



BRAU, FARI

FEDERICO TAVAN
Andrees

Intant chista e neis 'na recension de un libre ma ai da fâ i complimentenz a Franc Fari par "Il cjakf dai furlans", un libre interessant e divertent.

Mescedâ scienza e ironia al'è veramente bieliscin, jo lu sai, che mescede ironia cun ironia. Franc Fari al'è una persona da conosce, intant a no l'è de diestra, nissun pò acusalu d'esse reazionario parceche al'era amic de Mar Tibaldi e jò sai che Mar Tibaldi nel suo momento di maggior splendore adiritura al scriveva cu la sinistra (par furlan "cu la cjampe") par no vei nua da spartî cu la diestra.

Intal libre de Fari ai ciatât mitantes robes interessanz. La "C" prepalaiale coma cjasa, che in Andrees duc'i la san naturalmentri e a Pordenon i no son bons, i dis chisa e cussi all'à reson Fari, la prepalaiale par no fasse capi da la tribù vizina.

Interessant al discors che li lenghes i se impara fazent l'amour, ades e sai parceche jo no conos nissuna lenga. E interessant al'è ce che Fari al pensa de la koinè, a pagina sedes al'è scrit "la marilenghe dai furlans no vares di sedi une koinè ma un dai tancj dialetti dal furlan". Brau Fari, no sai parcè ma e sai dacordu cun te. Duc' i discors a favour de la koinè i son bieci ma se pò tu la apliche, par esemple, a la lenga Andreana al colo dut al palco, in Andrees i an abolit, de fat, la koinè. A me ven da zontà: Olé.

Eis vera anc'che dal Profesour col insegná una lenga ca nol sa, al gno profesour de ingleis a nol saveva una peraula de ingleis e cussi no sai l'ingleis e no sai nanc' al franeis parceche, par fortuna, in Franza a se pò favelâ par talian, al franeis al'è un talian mal favelât. Biel al capital su la lenghe a la "zingare", anc'jo e sai li lenghes a la "zingare" cencia gramatiche, al basta strenge o slungià l'Andrean, inta la lenga Andreana, se tu scave, tu cijate dutes li lenghes. Basta scavâ. E alora complimenti. Ades e salude Franc Fari e chissà che dopo li me peraules d'amour a no me pâ una pizza alla diavola, plena de pevarons (peperoni, par talian). Mandi coma chi dis in Andrees ca voul dì la stessa roba.